


ՀԱՅԱՍՏԱՆԻ ՊԱՏՄՈՒԹՅՈՒՆ

ՀԱՏՈՐ 

ՍՎԼՄԿԱՍ



ՍԱՄՎԵԼ
ԿԱՐԱՊԵՏՅԱՆ

ՀԱՅԱՍՏԱՆԻ ՊԱՏՄՈՒԹՅՈՒՆ

ՀԱՏՈՐ Բ

ՍԱԼՏԱՍ

ՀՏԴ 941(479.25):72(479.25)
ՊՄԴ 63.3.(53)+85.11(53)
Կ294

Աշխատությունը «Հայաստանի պատմություն» 36-հատորյա գրքաշարի Բ հատորն է՝ նվիրված Պատմական Հայաստանի Պարսկահայք նահանգի Սալմաստ (Ձարեհավան) գավառի պատմությանը և նյութական մշակույթի հուշարձաններին:

Հասցեագրվում է Հայաստանի պատմությամբ հետաքրքրվողներին:



Հ Ա Յ Կ Ա Կ Ա Ն Ծ Ա Ր Տ Ա Ր Ա Պ Ե Տ Ո Ւ Թ Յ Ո Ւ Ն Ն Ո Ւ Ս Ո Ւ Մ Ն Ա Ս Ի Ր Ո Ղ Հ Ի Մ Ն Ա Դ Ր Ա Մ
www.armenianarchitecture.am, www.armenianarchitecture.us, www.raa.am ✉ info@raa.am, raayer@sci.am

Կ294 **Կարապետյան Սամվել**
Սալմաստ / Ս. Կարապետյան: ՀճՈՒ հիմնադրամ.-Եր.:
Հայկական ճարտարապետությունն ուսումնասիրող հիմնադրամ, 2017.-580 էջ:

ՀՏԴ 94(479.25):72(479.25)
ՊՄԴ 63.3(53)+85.11(53)

Սույն հատորը լույս ընծայվեց Հայրենիքին, ազգային պատմությանը և նյութական
մշակույթի բյուրավոր հիշատակներին նախանձախնդիր
պ. Դանիել Սահակյանի մեկենասությամբ՝
ի հիշատակ պապի և հոր՝ Դանիել և Իսրայել Սահակյանների

Հատորի ստեղծման հովանավոր՝
ՀՀ Մշակույթի նախարարություն և
ՀՃՈՒ-ԱՄՆ մասնաճյուղ (նախագահ՝ Ժորա Մանուչարյան)



Իսրայել Դանիելի Սահակյան
(1895-1957)

Ես այս գրքի տպագրությունը նվիրում եմ հորս՝ Իսրայել Սահակյանի և պապիս՝ Դանիելի հիշատակին, այն պապի, որին երբեք չեմ ճանաչել, բայց որի անունն եմ կրում:

Սահակյանները սերում են Իրանի հյուսիս-արևմուտքում գտնվող Սալմաստ գավառի Խոսրովա գյուղից: Մոտավորապես 1840 թ. այստեղ է ծնվել պապիս հայրը՝ Սահակը, որը հողագործ էր: Սահակն ու կինը, որի անունը մոռացության է մատնվել պատմության մշուշում, երեք որդի են ունեցել՝ Դանիելը (իմ պապը), Գաբրիելը և Աբրահամը: Դանիելը Սահակի առաջնեկն էր (այսինքն՝ ընտանիքում առաջին Սահակյանը), ծնվել է մոտավորապես 1875 թ.: Եղբայրների հետ մեծացել է Խոսրովա գյուղում, որը հիմնականում բնակեցված էր ասորիներով: Այն Հաֆթվան գյուղից բաժանվում էր ընդամենը մի գետակով, որն էլ ամբողջովին հայաբնակ էր: Քանի որ քրիստոնեաբնակ այս գյուղերը գտնվում էին գերազանցապես մահմեդականներով բնակեցված շրջանում, այստեղ իրենց կենտրոններն էին հիմնել Եվրոպայից և Ամերիկայից եկած քրիստոնյա միսիոներները, ովքեր նաև դպրոցներ էին բացել շրջանի երեխաների համար: Այս, ինչպես նաև հայկական եկեղեցական դպրոցների շնորհիվ հայ և ասորի մանուկները գրաճանաչություն էին սովորում և կրթվում:

Դանիելի ընտանիքը Խոսրովայում զբաղվում էր հողագործությամբ, թեև շատ հավանական է, որ նրանք նաև առևտուր էին անում հարևան գյուղերի հետ (հետագայում սալմաստցիները հայտնի դարձան որպես առևտրականներ): Չափահաս դառնալուց հետո Դանիելն ամուսնանում է Հռիփսիմեի հետ, և նրանք հինգ երեխա են ունենում՝ Սամարիա, Իսրայել, Ջիբրայել, Միքայել և Միրանուշ: Իսրայելը՝ իմ հայրը, ծնվել է 1895 թ.:

Մոտավորապես 1910 թ. Դանիելի ավագ քույրը՝ Սամարիան, ամուսնանում է Հովասափի հետ, որը Սալմաստից էր, բայց ապրում էր Բաքվում: Նավթային գործն արդեն սկսել էր վերելք ապրել՝ բազմաթիվ մարդկանց ապահովելով աշխատատեղերով: Սամարիան նույնպես տեղափոխվում է Բաքու, որ ամուսնու կողքին լինի: Մի քանի տարի անց՝ մոտավորապես 1912 թ., աշխույժ եռուզեռի մեջ գտնվող քաղաքում աշխատանք գտնելու նպատակով Իսրայելը հետևում է քրոջը և տեղավորվում երկաթուղում որպես ատաղձագործ:

Առաջին աշխարհամարտի ժամանակ (1914 թ.), երբ թուրք զինվորներն ու քրդերը Սալմաստ գավառում կռվում էին ռուսների դեմ, Դանիելը Հռիփսիմեին և մնացած երեք երեխաներին ուղարկում է վտանգից հեռու՝ Բաքու՝ Սամարիայի, Հովասափի և Իսրայելի մոտ: Այնտեղ Հռիփսիմեն և նրա երեք որդիները երկաթուղային կայարանին կից նպարտեղեցի և լայն սպառման ապրանքների խանութ են բացում և աստիճանաբար սկսում են հաջողությունների հասնել: Մի փոքր ավելի ուշ Ջիբրայելը Բաքվից գնում է Կրասնոդար (Ռուսաստան), որտեղ սալմաստցի շատ հայ ընտանիքներ էին բնակություն հաստատել՝ փորձելով խույս տալ իրենց անորոշ ճակատագրից: Նրանց մեջ էր նաև իմ մորական պապը՝ Ավետիքը, որը փոխադրումներով զբաղվող մի ընկերություն էր հիմնել այնտեղ:

Կնոջս մայրը՝ Աննա Խալաթյանը, որի ընտանիքը նույնպես սերում էր Սալմաստից, հիշում էր. մանկության տարիներին մի անգամ հայրը տարել էր՝ իսկական հայկական հարսանիք տեսնելու: Իրականում նա ներկա է գտնվել իմ հորեղբոր՝ Ջիբրայելի և Սաթենիկի հարսանիքին: Սա բնորոշ է սալմաստցիներին. մենք փորձում էինք միշտ միասին լինել, ուր էլ որ հայտնվեինք:

Առաջին աշխարհամարտի ժամանակ Սալմաստ գավառն ամբողջովին իրար էր խառնվել: Այստեղ միաժամանակ գործում էին օսմանյան բանակը, քուրդ կողոպտիչները, հայկական միլիցիան և ռուսական զորքերը: Իրանական պետությունը միայն փոքր մասով էր կարողանում վերահսկել իրավիճակը, և գավառի գյուղերն ու այլ տարածքներ շարունակ հայտնվում էին այս կամ այն ուժի տիրապետության տակ, ինչի հետևանքով բազմաթիվ մարդկային զոհեր եղան: Շատ ընտանիքներ ուղղակի փախան այնտեղից, բայց առհասարակ տղամարդիկ կանանց և

երեխաներին ուղարկում էին ապահով վայրեր, իսկ իրենք մնում էին՝ պաշտպանելու այն, ինչ իրենց էր պատկանում:

Ես դեռ հիշում եմ այն պատմությունները, որ Խոսրովայի ագարակում լսել եմ իմ մեծ հորեղբայր Գաբրիելից (Դանիել պապի եղբայրն էր)՝ նրա ոտքերի մոտ նստած: Նա պատմում էր, թե ինչպես էին քուրդ ավազակներն ահաբեկում իրենց ողջ գյուղը, ինչպես էին հայ տղամարդիկ, գեներ ձեռքին, ցատկում ձիերի վրա և սլանում՝ վրեժ լուծելու իրենց կորցրած եղբայրների համար:

Շատ հայտնի է հատկապես այդ դեպքերից մեկը. 1918 թ. մարտին Սիմկո անունով մի քուրդ ավազակ դավադրաբար իր ծուղակն էր գցել ասորիների հոգևոր առաջնորդին՝ Մար Շիմոնին: Ասորիները որոշում են վրեժ լուծել քրդական այն գյուղից, որտեղ Սիմկոն լարել էր թակարդը, և Գաբրիելն ու Աբրահը, ովքեր շատ մտերիմ էին իրենց գյուղի ասորիների հետ, միանում են նրանց:

Սինչև 1917 թ. բոլշևիկյան հեղափոխությունը ռուսական կանոնավոր զորաբանակները, որոնք գործում էին Մալմաստի և Ուրմիայի շրջաններում, շրջապատման մեջ էին պահում Օսմանյան կայսրության արևելյան սահմանները, որպեսզի թուրքերը չկարողանան հասնել Բաքվի հարուստ նավթահանքերին: Հեղափոխությունից հետո ռուսական զորքերն ամբողջությամբ հետ են քաշվում, որի հետևանքով շրջանի՝ հիմնականում քրիստոնյաներով բնակեցված գյուղերը, որոնք կռվել էին ռուսների հետ կողք կողքի, մնում են մենակ թուրքական հարձակման վտանգի առջև:

1918 թ. ամռանը Օսմանյան կայսրության զորքերը, որոնք այլևս ստիպված չէին դիմակայելու ռուսական կանոնավոր բանակին, հարձակվում են Իրանի արևելյան սահմանների մոտ գտնվող բնակավայրերի վրա: Այս հարձակման թիրախում էին նաև հյուսիսարևմտյան տարածքները: Առաջինն ընկնում է Խոյը, ապա Մալմաստն ու Ուրմիան: Քանի որ Մալմաստը Խոյի և Ուրմիայի միջև է գտնվում, շատ հնարավոր է՝ հենց այդ ժամանակ էր, որ Դանիելն ու Գաբրիելը միանում են այն տասնյակ հազարավոր հայ և ասորի գաղթականներին, ովքեր Խոյից ու Մալմաստից սկսում են փախչել դեպի հարավ՝ դեպի Ուրմիա: Վերջինիս գրավումից հետո նրանք փորձում են ապաստանել Ուրմիայից հարավ և արևմուտք՝ Բաղդադի մոտ գտնվող շրջաններում, որտեղ, ինչպես իրենք էին լսել, գործում էր բրիտանական բանակը:

Անշուշտ, այդ ժամանակ բրիտանացիները փորձում էին հայերից և ասորիներից կազմված զորամիավորումներ ստեղծել՝ հուսալով, որ դրանք կփոխարինեն հեղափոխության պատճառով ասպարեզը լքած ռուսական բանակին: Բրիտանացիներն Ուրմիայից փախչող գաղթականներին ապահով հասցնում են Բաղդադից մոտ 40 կմ հյուսիս-արևելք գտնվող Բաքուրա և տեղավորում հատուկ ճամբարում: Նրանց քարավանը ձգվում էր ավելի քան 15 մղոն, և բրիտանական փոքրաթիվ ուժերը պարզապես ի գործ չէին պաշտպանելու բոլորին: Հայտնի է, որ Ուրմիայի շրջանից փախչող 85.000 գաղթականներից միայն 50.000-ին է հաջողվում հասնել Բաքուրա: Մենք գիտենք, որ Դանիելն ու Գաբրիելն ասորի և հայ այն գաղթականների հետ էին, որոնք փախչում էին դեպի հարավ-արևմուտք Բաքու-

րա/Բաղդադ տանող ճանապարհով: Ես վստահ չեմ, բայց ըստ իմ տեղեկությունների՝ Դանիելը կորել է (ամենայն հավանականությամբ սպանվել է) հենց այդ ժամանակ և հենց այդ ճանապարհին, երբ գաղթականների քարավանի վրա են հարձակվել քուրդ կողոպտիչները:

Բաքուրայում Գաբրիելն անդամագրվում է բրիտանական բանակի նոր կազմավորված զորամիավորումներից մեկին, որի մի մասը հետագայում հայտնի դարձավ Դանս-տերֆորս անունով: Ընդամենը մի քանի ամիս հետո, երբ պատերազմը վերջանում է, նա անմիջապես վայր է դնում զենքը և նետվում Եփրատ գետը՝ դեպի ազատություն: Վերադառնում է Մալմաստ, որտեղ կարողանում է հետ բերել ընտանիքին պատկանող հողերը և սկսում զբաղվել դրանց մշակությամբ:

Երբ ես 10-15 տարեկան երեխա էի, մեր ընտանիքը երբեմն այցելում էր Գաբրիելին և նրա կնոջը՝ Մաշինկային Մալմաստում գտնվող նրանց ագարակում: Մեկ շաբաթ այնտեղ անցկացնելուց հետո մենք բոլորս գնում էինք Ուրմիա լիճ, վրան խփում ավիին և լողում նրա չափազանց աղի ջրերում:

Դանիելի կինը՝ Հոփսիսին, և երեխաները մնում են Բաքվում: Ապրում էին իրենց խանութի վերևում գտնվող բնակարանում: Անորոշության այդ ժամանակներում կարողանում են մի փոքր հաջողության հասնել: Նրանք 1917 թ. բոլշևիկյան հեղափոխության ակնատեսներից էին, բայց քանի որ Իրանի քաղաքացիներ էին, Ռուսաստանում մոլեգնող փոփոխությունները նրանց վրա շատ չեն անդրադառնում: Ռուս հասարակությունը քառասյին հեղաշրջման միջով է անցնում, իշխող դասակարգը տապալվում է, շատերն են զոհվում, բայց Կովկասում գտնվող գաղթականները սրանից հիմնականում չեն տուժում:

Ստոավորապես 1928 թ. խորհրդային կառավարությունը հայտարարում է, որ գաղթականները կա՛ն պետք է դառնան Խորհրդային Միության քաղաքացիներ, կա՛ն վերադառնան իրենց երկրները: Սահակյան ընտանիքը որոշում է ետ դառնալ Իրան, բայց քանի որ նրանք արդեն սովորել էին քաղաքային կյանքին և գործերին, հաստատվում են Թավրիզում (սա շատ հին պարսկական քաղաք է՝ Մալմաստի շրջանից ոչ հեռու):

Սահակյանների առաջին գործը չամիչի արտահանումն էր (չամիչը նավով Եվրոպա հասցնելու համար նաև փայտե տուփեր էին պատրաստում): Շատ ժամանակ չանցած՝ 1930-ական թթ. վերջերին, Ջիբրայելը մեկնում է Գերմանիա, որ արտահանվող ապրանքն անձամբ հասցնի շուկա: Արդյունաբերական հեղափոխության ակնատեսը դառնալով՝ նա ամբողջովին բացահայտում է դրա ծավալն ու ընդգրկումը: Գործարաններում հետևում է արտադրական գործընթացի ավտոմատացմանը: Ջիբրայելը Թավրիզ է վերադառնում գիտելիքներով հարստացած, և Սահակյանները սկսում են մասնակցել Իրանի արդյունաբերության զարգացման գործընթացին: Համագործակցելով հայ ընտանիքների հետ՝ միացյալ ուժերով ստեղծում են Թավրիզի ալյուրի, օճառի և զարեջրի գործարանները:

Երբ Երկրորդ աշխարհամարտի ժամանակ խորհրդային բանակը գրավում է Իրանի հյուսիսային մասը (ներառյալ Թավրիզը), բրիտանական և ամերիկյան զորքերն էլ

իրենց հերթին գրավում են Թեհրանը և նրանից հարավ ընկած հատվածները՝ խորհրդային ռազմաճակատին զենք մատակարարելու Պարսից ծոցից (մասամբ էլ որպեսզի համոզված լինեն, որ խորհրդային բանակն այնտեղ չի հասնի): Վախենալով, որ կոմունիստ ռուսները երբեք չեն հեռանա, Սահակյան եղբայրներն իրենց ընտանիքների հետ Թավրիզից հասնում են Թեհրան և նոր, ավելի մեծ գործարաններ հիմնում քավրիզյան գործընկերների հետ միասին: Նշեմ, որ մորս ընտանիքը 1928 թ.-ից ի վեր ևս հաստատվել էր Թեհրանում (նրանք, ինչպես և մեր ընտանիքը, դուրս էին եկել Ռուսաստանից):

Թեհրանում Սահակյանները կառուցում են սառույցի և զարեջրի ամենամեծ գործարանները: Միջին Արևելքում ապակե տարաների ամենամեծ արտադրությունը ևս պատկանում էր նրանց: Իրանի տարածքում ոչ ալկոհոլային խմիչքներ (Coca Cola Canada-Dry և 7-up) էին շալցվում նրանց յոթ գործարաններում:

Սահակյան 3 եղբայրներից (Իսրայել, Ջիբրայել և Միքայել) յուրաքանչյուրն ուներ երեք երեխա. Իսրայել – եղբայրս՝ Հենրիկ, քույրս՝ Անահիտը և ես; Ջիբրայել – Սեդա, Լեո և Էդուարդ; Միքայել – Ռոբերտ, Ռաֆիկ և Քրիստոֆեր: Նրանց բոլոր յոթ որդիներն էլ ի վերջո ինչ-որ կերպ ներգրավվում են ընտանեկան գործերի մեջ: Մինչև 1970-ական թթ. վերջը նրանց ընտանեկան ձեռնարկություններ-

ում ամբողջ Իրանի տարածքում աշխատողների թիվը հասնում էր մի քանի հազարի:

1979 թ. իսլամական հեղափոխությունից հետո մեր՝ արդեն բավականին մեծ ընտանիքը փախչում է երկրից՝ սփռվելով Եվրոպայում և Միացյալ Նահանգներում: Ձեռնարկությունները բռնագրավվում են, և ընտանիքի անդամները կորցնում են նաև իրենց անձնական ունեցվածքի մի մասը: Մեծապես տուժում է նաև Թեհրանի աշխույժ հայ համայնքը:

1980 թ. ես հաստատվեցի ԱՄՆ Փենսիլվանիայի կենտրոնում կնոջս՝ Միլայի հետ: Մենք այստեղ մեծացրինք մեր երեխաներին և այժմ էլ երկու թոռնիկ ունենք, որոնք մեզ մոտ են ապրում: Նրանցից մեկը Դանիելն է. կրում է իմ անունը, այն անունը, որը հայրս է տվել ինձ, որ միշտ հիշի Սալմաստից Բադդադ տանող ճանապարհին անհետ կորած իր հորը՝ իմ պապին:

Կցանկանայի խորին շնորհակալությունս հայտնել Հայկական ճարտարապետությունն ուսումնասիրող հիմնադրամի աշխատակիցներին, որոնց ջանքերի և անխնջ ուսումնասիրության արդյունքն է այս գիրքը: Հուսով եմ, որ այսպես մենք կարող ենք անմար պահել մեր պատմական հիշողությունը, որպեսզի մի օր իմ թոռները, ինչպես նաև սալմաստցի հայերի բոլոր ժառանգներն ավելի լավ ճանաչեն իրենց արմատները:

Հեղինակի կողմից

Պարզ ճշմարտություն է, որ յուրաքանչյուր ազգի պատվաբեր պարտականությունն է ճանաչել հայրենի օրանը և ուսումնասիրել բազում դարերի ընթացքում Հայրենիքում արարված նախնյաց հիշատակները:

Գաղտնիք չէ, որ որևէ արժեքի, այդ թվում՝ Հայրենիքի նկատմամբ սերը բխում է ճանաչողությունից, և որքան խորն է այն, այնքան ավելի գորեղ են նվիրումի զգացումները:

Առաջնորդվելով ճիշտ այս համոզումով և արդեն տասնամյակներ գործելով ի շահ սրբազան Հայրենիքի նկատմամբ ճանաչողության ավելացման՝ մեր հիմնադրամի ջանքերով ցարդ ստեղծվել և հրատարակվել են մի շարք աշխատություններ:

Վերջիններիս թվում կարևորագույն հանգրվան է 2015 թ. ստեղծված «Հայաստանի պատմություն» գրքաշարը, որի նպատակն է գավառ առ գավառ և յուրաքանչյուրը՝ գյուղ առ գյուղ ներկայացնել հայոց Հայրենիքը:

Սկսելով Հայկ Նահապետի ուստան Հայոց ձոր գավառից՝ որպես սույն գրքաշարի Ա հատոր, այժմ արդեն իրականություն է Բ հատորը՝ նվիրված Մեծ Հայքի Պարսկահայք նահանգի՝ միմյանց կից Զարեհավան և Առնա գավառներին, որոնք միասին արդեն զարգացած միջնադարից մինչև մեր օրերն առավելապես հայտնի են մեկ ընդհանուր՝ Սալմաստ անվամբ:

Իհարկե, շնորհիվ արդեն ավելի քան մեկ դար առաջ վաստակաշատ Արշակ Աթայանի հեղինակած «Սալմաստ» աշխատության (Նոր Զուղա, 1906), ինչպես նաև այլ հեղինակների գրչին պատկանող և տարբեր ժամանակներում լույս ընծայված բազմաթիվ, թեկուզ նյութի ավելի հպանցիկ շոշափմամբ աշխատությունների և մանավանդ մեծաթիվ հոդվածների՝ ընթերցողն ինչ-որ չափով հնարավորություն է ունեցել որոշակի պատկերացում կազմելու գավառի պատմության, ազգագրության, ժողովրդագրության, նաև պատմական հուշարձանների մասին: Սակայն հարկ էր այդ ամենն ի մի բերել, լրացնել դիվանական և գրադարանային պրպտումների, ինչպես նաև դաշտային առավել ընդգրկուն և հիմնավոր հետազոտությունների շնորհիվ ձեռք բերված տվյալներով և համալիր ուսումնասիրությամբ ստեղծել գավառի պատմական անցյալն ու նյութական մշակույթի հուշարձաններն առավել ամբողջական ներկայացնող մի աշխատություն:

Հատորը ստեղծվել է դեռևս 1980-ական թթ. սկզբներից ցարդ անընդմեջ կատարված գրավոր նյութերի (անտիպ և տպագրված, հայերեն և օտարալեզու) հավաքագրման և մշակման, ինչպես նաև 2011, 2016 և 2017 թթ. իրականացված գիտարշավների ընթացքում ձեռք բերված հարուստ տվյալների համալիր ուսումնասիրության շնորհիվ:

Հուսով ենք, որ զանազան խնդիրների լուսաբանմամբ սույն հատորը կօգնի բոլոր նրանց, ովքեր հետաքրքրված են Սալմաստ գավառի պատմական անցյալով և ցարդ պահպանված նյութական մշակույթի հուշարձաններով:

Այս ամենով հանդերձ՝ հարկ են համարում նշել, որ չնայած գավառի պատմությունը վեր հանելուն միտված մեր տևական ջանքերին, այնուամենայնիվ, այս աշխատությունը երբեք հանրության սեփականությունը չէր դառնա, եթե չլիներ մեր աշխատանքի նկատմամբ վստահությանը մոտեցած և տպագրության ողջ հոգսը պատվով ստանձնած արմատներով Սալմաստ գավառի Խոսրովա գյուղից սերող հարգարժան Գանիել Սահակյանը, որին էլ, օգտվելով առիթից, հայտնում ենք մեր խորին երախտագիտությունը:

Շնորհակալական զգացումներով խոսք ենք հղում նաև ՀՀ Մշակույթի նախարարությանը և ի դեմս պ. Ժորա Մանուչարյանի՝ ՀՃՈՒ-ԱՄՆ մասնաճյուղին, ովքեր սատարեցին հատորի ստեղծման նախահրատարակչական աշխատանքները:

Բովանդակություն

Խոսք պ. Դանիել Սահակյանի	4	Կրթական գործը 1904-1908 թթ.	76
Հեղինակի կողմից	7	Կրթական գործը 1909-1914 թթ.	78
Բովանդակություն	8	Կրթական գործը պատերազմի տարիներին (1914-1918 թթ.)	80
ՆԱԽԱԲԱՆ	9	Կրթական գործը 1920-1960-ական թթ.	81
Անվանում	9	Գրադարաններ	81
Աշխարհագրական միջավայրը	9	Առողջապահություն	81
Գետային ցանցն ու ջրային պաշարները	10	Ատրպատականի առաջնորդներն ու Մալմաստի փոխանորդությունը	83
Բուսական աշխարհը	12	Պատմական հուշարձաններ	89
Կենդանական աշխարհը	12	ԱԽՏԱԽԱՆԱ	92
Հաղորդակցության ուղիները	13	ԱԳԻՍՍԱՅԻԼ	101
Բնական աղետներ	13	ԱՅԱՆ	103
Պատմություն	15	ԱԶՎԱԶ	106
Սալմաստի հայերի գաղթը դեպի ռուսամյաճ երկրամասեր ...	18	ԱՍԼԱՆԻԿ	115
Քաղաքական կացության սրացումը 1890-ական թթ.		ԳՅՈՒԼԻԶԱՆ	117
կեսերին	19	ԴԵՐԻԿ	121
Ներհայկական կուսակցական խժոժությունների		ԴՐԻՇԿ	138
բացասական հետևանքները	20	ԶԵՎԱԶՈՒԿ	143
Տեղական իշխանությունների ձեռնարկած քայլերը գավառը		ԹԵՄԵՐ	146
հայ հեղափոխականներից մաքրելու ուղղությամբ	21	ԽԱՆԹԱԽՏ	150
1890-ական թթ. վերջերին Մալմաստից ծայր առած		ԽՈՍՐՈՎԱ	151
արտագաղթը	22	ՀԱԽՎԵՐԱՆ	181
Կացությունը 1901-1904 թթ.	23	ՀԱՎԹՎԱՆ	183
Կացությունը 1905-1907 թթ.	25	ՀԱՎԴՈՒՌ (ՀՈՎԴԱՐ)	296
1908 թ. դեպքերը և Պարսկաստանի սահմանադրական		ՀՄԲԱՆԱՎԱ	300
կռիվները	26	ՂԱԼԱՍԱՐ	302
Դեպքերի զարգացումները 1909 թ.	31	ՂԶԼԶԱ	322
Դեպքերի զարգացումները մինչև Առաջին		ՃԱՐԱ	331
աշխարհամարտը	32	ՍԱՀԼԱՄ	337
Ռուսները փոխարինում են թուրքերին. ռուս-քրդական		ՄԻՆԱՍ	395
համագործակցության արդյունքը` խուզարկություններ		ՄՈՒՂԱՆՋՈՒԿ	400
հայաքնակ գյուղերում. նոր խստություններ և վտանգներ	32	ՆԱԶԱՐԱԲԱԴ	402
Սալմաստն Առաջին աշխարհամարտի ընթացքում	33	ՇԵՅԹԱՆԱՎԱ	404
Թուրքերի փետրվարյան նահանջն ու դրան նախորդած		ՇԻԴԱՆ	406
ոճիրները	35	ՌԱՇԿԻՐԱՆ	407
Բնավեր սալմաստցիների գոյապայքարը և նրանց օգնելու		ՌԿԱՎԱ	408
համար համերկրացիների գործադրած ջանքերը	36	ՍԱԼՄԱՍՏ (ԴԻԼՄԱՆ, ՇԱՀՓՈՒՐ)	409
Գաղթականների վերադարձը Սալմաստ	37	ՍԱՌՆԱ	418
Սալմաստցիների ապրիլյան կոտորածը	38	ՍԱՎՐԱ	430
Դիվանի հաղթությունն ու Սալմաստի վերագրավումը	38	ՍԱՐԱՍԵՐԻԿ	446
Սալմաստցիների գաղթն ու վերադարձը	42	ՎԱՐԴԱՆ	451
Վանի հուլիսյան` ռուսական առաջին դավադիր նահանջը և		ՈՒԼԱ	454
նրա հետևանքները Սալմաստում	42	ՓԱԹԱՎՈՒՐ	457
Կացությունը 1916 թ.	44	ՓԱՅԱԶՈՒԿ	463
Կացությունը 1917 թ.	46	ՔԱՊԻԿ	511
Կացությունը 1918 թ.	48	ՔՅԱԼԱՇԱՆ	512
Կացությունը 1919 թ. և խաղաղ կյանքին վերադառնալու		ՔՅՈՂՆԱՇԵՀԻՐ (ՀԻՆ ՔԱՂԱՔ)	515
նախադրյալները	53	ՔՅՈՂԱՄԻՇ	537
Վարչական կացությունը	55	Սալմաստ գավառի պատմական հուշարձանների ցանկ	539
Բնակչություն	55	Օգտագործված գրականության ցանկ	543
Գավառաբնակ այլ ազգություններ	66	Անձնանունների ցանկ	551
Տնտեսություն	67	Տեղանունների ցանկ	570
Կրթություն	70	Առարկայական ցանկ	575
Կենտրոնական (գյուղատնտեսական-արհեստագիտական)			
վարժարան բացելու անհաջող փորձը	73		
Կրթական գործը 1899-1903 թթ.	75		

Գրքաչարի նպատակն է Հայաստանի պատմությունը ներկայացնել գավառ առ գավառ, յուրաքանչյուրը՝ գյուղ առ գյուղ:



Հատորներից յուրաքանչյուրը նվիրված է լինելու Պատմական Հայաստանի (Մեծ և Փոքր Հայքերի) մեկ կամ մի քանի գավառներին և ներկայացնելու է տվյալ գավառի բոլոր բնակավայրերի պատմությունը և պատմական հուշարձանները:

Գրքաչարի յուրաքանչյուր հատոր պարունակելու է շուրջ 1000 լուսանկար, տարաբնույթ քարտեզներ, չափագրություններ, գրչանկարներ և օժանդակ այլ նյութեր:

Գրքաչարը խորհրդանշականորեն սկսում է Հայոց ծոր գավառից (հատոր Ա), քանի որ մեր ազգի անվանադիր Հայկ Նահապետը հաղթական ճակատամարտից հետո հենց այստեղ է հիմնում Հայք դաստակերտը:



ՀԱՅԿԱԿԱՆ ԵՄՐՏԱՐԱԴԵՏՈՒԹՅՈՒՆՆ
ՈՒՍՈՒՄՆԱՍԻՒՈՂ ՀԻՄՆԱԴՐԱՄ
ԵՐԵՎԱՆ - 2017

www.armenianarchitecture.am
www.raa.am
raayer@sci.am